

許氏幼科七種

	午 11
	34
	共 10 冊



乾隆乙巳新鐫

信州翁仲仁先生原本

痘疹金鏡錄

同治壬申翻刻

古歙許豫和宣治氏註

古之所謂良醫者道無不貫業無
不精故隨人為變所在神奇自宗
錢仲陽著直訣專言小兒始創痘
疹証治陳文中繼之後魏氏萬氏
寇氏聶氏輩出皆以兒科立言余
所得見者亦各有所長今大江南



余

北率宗翁仲仁金鏡錄觀其分別
視診之法施之難病各當其理至
痘疹所關尤大翁氏獨能詳審精
密深切著明賦辭論辨運用在心
蓋必察形色之吉凶驗氣血之虛
實見微而知著原始以要終敬慎

不敗思患預防然後可以操權衡
決死生為幼之司命此書之要
領也乃學名家經戶誦奉為著蔡
及痘疹一發失候多豈徒讀其
書而不求甚解與抑鹵莽以從事
而術終未工與又何以神明通變

富生者能使之起耶余親家橡村
天分絕高服膺此書寢食有年既
已得心應手因詳為註釋論議多
所發揮俾翁氏之金鏡益顯其光
藏之篋中久矣今慨然付梓以公
於世與其自刻痘訣治驗諸編相

輔而行可謂仁心為質嘉惠朱學
其有功於翁氏何如也刻將竣
屬余敘之余老矣一赴科舉業醫
四十餘年方著醫學數種草創未
就先以醫按問世願余為親招政
維揚復留點三吳皆都會之地訪



求宿學未見其人去冬歸來與橡
邨考古討論樂共晨夕展讀橡村
所刻言焉有物引伸觸類无不切
理馱心殆進乎道者矣其考之傳
世行遠又奚疑哉乾隆五十年秋
八月姻弟汪廷元拜叙



讀易至恒卦而知久道之化成惟本於立不易
方之以正是以大聖人即小喻大原始要終而
深致善夫南人之言歎善人之不得見得見有
恒者斯可矣今於吾友橡村先生其庶幾乎予
弱冠從黃默谷胡舍川兩夫子游讀書西干佛
寺得締交於先生先生十年以長且以葭莩之
誼教愛周詳凡於立身為學之要恒忠告而善
道之迄今三十年如一日固昔人所謂耐久交


生平指難再屈者先生聰穎絕倫貫串百氏緣
以弱齡善病故屏去括帖而肆力於醫又
見一科為醫家難所又難復冥索誠求而及
之幼殫畢生之力而無終食之違學博而擇精
得心而應手所以杏林橘葉到處流芳歲在癸
卯曾將痘訣治驗二書梓以問世醫家咸奉圭
臬焉又不自假滿以為生平得力實本乎翁氏
金鏡錄一書為之註疏發明並欲以壽人者壽



之世予去年歸省暇日過後曾示全書屬以為
序比惟奔走衣食學植落荒子舍瞻依未遑報
命今且郵函遠促以余辱交最久必待拙序而
後刊傳未可以不敏辭爰即聖人有恒之義而
援證之夫醫道至今日難乎言之矣涉獵者失
之紛夸多者失之忍欲求好學深思泛應曲當
者頗未多觀今先生矢不貳之心而叅成物之
用既療病以壽人復著書以壽世俾千秋金鏡

粲若新磨善人之善孰大於此由是而推廣之
方且功侔良相名藉國工為醫家才德出眾之
君子焉論病以及國原診以知和又為醫家神
明不測之聖人焉然迹其有志之竟成亦祇原
此有恒之造詣彼世之不恒其德而徒以人為
費者讀先生之書當亦廢然自反矣至於考究
精詳洞明窾要吾鄉名宿列序昭然又無俟乎
鄙言之瑣々也是為序

乾隆乙巳嘉平姒家小弟張淞拜撰於漢臯客舍



南京中医药大学图书馆藏书

語曰不為良相必為良醫良醫何
以與良相並論哉蓋醫有挽
造化之功有維持民命之柄行其
道可以濟一方傳其書可以濟萬
世雖著於事功不同而其痼瘼在
抱之心則一也唯醫理實精而難

窮醫法亦因時而遞變非洞徹乎
陰陽消長之原神明乎君臣
合之用雜侈談靈素自詡專
泥古鮮通誤人匪淺吾徵工於
醫者代不乏人自兵燹後世傳
之家零落殆盡近奉差在漢



始得與吾鄉 吳君星堂 胡君
丹宸相過從 兩先生皆世業醫
於此道固三折肱者 客漢上久
聲名相頡頏 凡遇難險之病 得
先生全活 無算 雖婦人孺子
皆知有兩先生之名 一日出所藏

鄉先輩許橡邨先生痘訣二卷
痘疹金鏡錄註釋三卷散記
卷以示余謂係切仄中所得
近時醫家鮮克及此不可以不
傳於後將為醵金謀重梓焉
余受而讀之橡邨先生之精於



北京中医药大学图书馆版权所有